

Республикалық балалар өнерінің фестивалін (кино) өткізу ережесі

(мүмкіндігі шектеулі балалардың қатысуымен)

*Қазақ киносының негізін қалаушы Шәкен Аймановтың
100 жылдығына арналады*

1. Жалпы ережелер

1. Республикалық балалар өнерінің фестивалін (кино) өткізу ережесі (бұдан әрі – Фестиваль) оның мақсатын, міндеттерін, өткізу және қаржыландыру тәртібін анықтайды.

2. Фестивальдың мақсаты: Қазақстан Республикасының жас ұрпағын патриоттыққа және азаматтыққа, белсенді өмірлік ұстанымға тәрбиелеу.

3. Фестивальдың міндеттері:

балалардың шығармашылық және зияткерлік қабілеттерін дамыту үшін қажетті жағдай жасау;

конкурс номинацияларының кең шоғыры арқылы бейнефильмдер әзірлеуші жас операторлар мен режиссерлердің шеберліктерін арттыру;

балалардың шығармашылық қабілеті мен белсенділігін дамыту, олардың ой-өрісін кеңейту, қарым-қатынасын, шыдамдылығын және ынтымақтастығын нығайту;

бірлескен шығармашылық үшін балалар мен жеткіншектерді біріктіру.

4. Республикалық балалар өнерінің фестивалін Қазақстан Республикасы Білім және ғылым министрлігінің тапсырысы бойынша Республикалық қосымша білім беру оқу-әдістемелік орталығы өткізеді.

2. Өткізу уақыты және орны

5. Республикалық балалар өнерінің фестивалі **2014 жылғы 25-27 маусымда** Алматы қаласында Т.Жүргенов атындағы Қазақ ұлттық өнер академиясының мектеп-интернат, колледжінің базасында өткізіледі. Қатысушылардың келетін күні – **25 маусым**, кері қайтатын күні – **28 маусым**.

6. Облыстардың, Астана және Алматы қалаларының білім басқармалары жетекшілерінің қолы қойылған Фестивальға қатысу туралы өтінім (көшірмесі) ағымдағы жылдың **10 маусымына дейін**: berikovna@list.ru электронды поштасына («Фестиваль» деген белгімен) немесе тел/факс: 8(727)3870834 (филиал) арқылы жіберіледі.

3. Қатысушылар

7. Фестиваль-конкурса еліміздегі жалпы білім беретін мектептер мен қосымша білім беру ұйымдарының 12-16 жастағы білім алушылары (балалар фильмдерінің авторлары, балалар шығармашылық киностудиялардың ұжымдары) және олардың жетекшілері қатысады.

8. Облыстардан, Астана және Алматы қалаларынан қатысатын делегация құрамында **5 адам** болуы керек: **4 білім алушы** және **1 жетекші**.

9. Делегация жетекшісі республикалық Фестиваль өтетін жерге дейінгі және тұратын жеріне кері қайту жолында, оны өткізу барысында қатысушылардың өмірі мен денсаулығының қауіпсіздігі үшін толық жауапты.

4. Өткізу шарты

10. Фестиваль екі кезеңде өткізіледі:

бірінші кезең (іріктеу) – облыстық, қалалық (Астана және Алматы). Өңірлік іс-шаралардың жеңімпаздары республикалық фестивальға жолданады;

екінші кезең (қорытынды) – республикалық.

11. Фестивальдың бірінші (іріктеу) кезеңін өткізу мерзімі облыстардың, Алматы және Астана қалаларының білім басқармалары бастықтарының бұйрығымен анықталады.

Фестивальдың екінші (қорытынды) кезеңі 2014 жылғы 25-27 маусымда өткізіледі.

12. Фестивальға келген делегация жетекшілері ұйымдастыру комитетіне төмендегі құжаттарды тапсыруы тиіс:

1) Фестивальға қатысу туралы облыстар, Астана және Алматы қалалары білім басқармалары жетекшілерінің бұйрығының көшірмесі;

2) қатысушылар туралы мәлімет (аты-жөні, туған жылы, сыныбы, оқу орны мен білім беру ұйымының мекен-жайы, тұратын мекен-жайы, телефоны, номинация, жұмыс атауы, жетекшісінің аты-жөні, жұмыс орны, қызметі, байланыс телефоны);

3) медициналық анықтама (әр қатысушыға);

4) жеке куәлігі немесе туу туралы куәлігі;

5) топ жетекшісінің іссапар куәлігі.

13. Әр өңірден келген делегацияның бірдей формасы және эмблемасы болуы керек.

5. Өткізу тәртібі

14. Фестивальға кез келген жанрдағы шығармашылық жұмыстар қабылданады: қысқа метражды фильмдер (ойын, анимациялық, музыкалық –

5 минутқа дейін), әлеуметтік роликтер (5 минутқа дейін), кез келген сандық (бейне-, фотокамералар және ұялы телефондар) тасымалдаушымен түсірілген.

15. Конкурстық материалдар төмендегі номинациялар бойынша ұсынылады:

- 1) ойын фильмі;
- 2) анимациялық фильм;
- 3) музыкалық фильм;
- 4) әлеуметтік роликтер.

16. Конкурстық жұмыстарды бағалау барысында идеяның өзектілігі, сонылығы, монтаждалуы, қарауға жайлылығы және қабылдауға жеңілділігі ескеріледі.

17. Конкурстық жұмыс мазмұнына қойылатын талаптар:

1) фильм мазмұны ұсынылған тақырыпты (бір немесе бірнеше) ашуы тиіс:

балалар мен ересектердің өмірі, жұмысы, әуестігі, олардың арманы; салауатты өмір салтын насихаттау; мейірбандық пен қайырымдылық көрсету; ұрпақтардың сұхбаты; экология және қоршаған ортаны қорғау; өскелең ұрпақтың бойында патриоттық сезім мен өз тілін оқып білуге деген қызығушылығын қалыптастыру; әлеуметтік мәселелерді шешу идеялары.

2) фильмнің ұзақтығы – 5 минутқа дейін. Үлкен хронометражды фильмдер ұйымдастыру комитетінің шешімі бойынша қарастырылуы мүмкін.

3) бір автор тапсыратын жұмыстың саны әр номинация бойынша бір фильмнен аспауы керек.

18. Конкурстық жұмысты ресімдеуге қойылатын талаптар:

әрбір фильм бөлек дискке DVD PAL (AVI) форматта жазылуы керек; басқа тасымалдаушыларда жазылған фильмдер конкурсқа жіберілмейді;

дискіде тек конкурстық бағдарлама болуы тиіс; дисктер қатты қаптамада болуы керек; әрбір фильм студия атауымен басталады және «Фильмнің соңы» деген жазумен аяқталады;

диск қаптамасында және дисктің өзінде мәліметтер болуы керек (фестивальдың атауы, номинация, автордың аты-жөні, жұмыстың атауы, қала, білім беру ұйымы, түсірген жылы);

фильм жазылған диск фестивальдың фильмдер жинағы архивінде қалады;

түсірілуінде немесе дыбысталуында ақауы бар материалдар конкурсқа жіберілмейді;

делегация жетекшісі барлық қатысушылардың фильмдері жазылған дискілердің көшірмесін өзімен бірге алып келуі керек;

фильм басқа авторлардың құқықтарын бұзбауы қажет;

фильмде нәсілдік, ұлттық, діни, әлеуметтік ымырасыздық пен айырмашылықтарды, азаматтардың құқықтарын бұзуға, зорлық көрсетуге шақыратын үндеулерді насихаттауға, Қазақстан Республикасының заңнамасына қайшы келетін өзге де элементтерді қамтуға тыйым салынады; конкурсқа қатысу үшін фильмдерді іріктеу бойынша соңғы шешімді ұйымдастыру комитеті қабылдайды.

19. Жұмысты іріктеудің басты белгісі – конкурс номинациясының форматына және тақырыбына сәйкестігі. Тақырыпқа сәйкес келмейтін немесе талаптарға сай емес ресімделген жұмыстар қарастырылмайды, ұсынылған жұмыстар қайтарылмайды.

20. Фестивальдың ұйымдастырушылары ұсынылған жұмыстарды мерзімді басылым және интернет-басылым беттерінде автордың атын көрсете отырып жариялауға құқылы.

21. Фестиваль-конкурс бағдарламасында:

фестивальдың ашылу салтанаты;

номинация бойынша конкурстық жұмыстарды қарау;

шеберлік сыныптары;

фестиваль делегациясының тұсаукесері;

мәдениет және өнер қайраткерлерімен шығармашылық кездесу;

киноматериалдарды талқылай отырып, көркемфильмдер көрсету;

фестивальдың жабылу салтанаты, конкурстың дипломанттары мен лауреаттарын марапаттау.

6. Қорытындысын шығару

22. Ұйымдастыру комитеті құрған әділ қазылар алқасының құрамы әр номинацияның қорытындысы бойынша жеңімпаздарды анықтайды.

23. Жеңімпаздар бас жүлдемен, I, II және III дәрежелі дипломдармен, бағалы сыйлықтармен марапатталады.

24. Жеңімпаздарды дайындаған педагогтер мақтау қағазымен марапатталады. Фестивальға қатысушыларға сертификаттар тапсырылады.

7. Қаржыландыру

25. Фестивальдың өңірлік кезеңдері жергілікті атқарушы органдардың есебінен қаржыландырылады.

26. Республикалық фестивальдың қорытынды кезеңіне қатысушылардың қаржылық шығыстарын (жол ақысы, жолдағы тәуліктік шығыстары) жіберуші жақ қамтамасыз етеді.

27. Республикалық фестивальды өткізу, қатысушыларды жатын орынмен, тамақпен қамтамасыз ету үшін қажетті қаржы шығыстарын Республикалық қосымша білім беру оқу-әдістемелік орталығы жүзеге асырады.